

खबरां

- मंत्रिमंडल नै 2026-27 सीजन लेई खरीफ फसलें लेई एम.एस.पी च वृद्धि गी मंजूरी दिती ऐ।
- तमिलनाडू च सी. जोसेफ विजय हुंदे नेतृत्व आहली टीवीके सरकार नै राज्य विधानसभा च बहुमत साबित कीता, एन. रंगासामी होरें रिकार्ड 5मीं बारी पुदुचेरी दे मुखमंत्री दे रूप च संगंध लैती।
- पच्छिम एशिया संघर्ष थमां उत्पन्न वैश्विक उर्जा संकट दे मद्देनजर प्रधानमंत्री नरेंद्र मोदी हुंदी अपील दे बाद केंद्र ते राज्य सरकार ईंधन बचाने दे उपाएं गी तेज करा'रदी ऐ।
- सी.बी.एस.ई नै अखिल भारती सीनियर सेकेंडरी कक्षा 12मीं दे परिणाम घोशित कीते।
- सरकार आसेआ आयात शुल्क गी कोई 15 फीसद धोड़ी बदाने दे बाद सुन्ने ते चांदी दी कीमतें च 6 फीसद शा मते दा बाद्दा।
- जेट ईंधन दी बददी कीमतें दे मद्देनजर एआईआर इंडिया नै अपनी अंतरराष्ट्री सेवाएं च कटौती करने दा फैसला लैता।
- आई.एम.डी दा आखना ऐ जे इस बरे मानसून तौलें गै औने दी मेद ऐ।

<><><><><><>

Cabinet-MSP

केंद्री मंत्रिमंडल नै विपणन सीजन 2026-27 लेई 14 खरीफ फसलें दे घट्टोघट्ट समर्थन मूल्ल च वृद्धि दी मंजूरी देई दिती ऐ। केंद्री मंत्रिमंडल दी बैठक दे बाद सूचना ते प्रसारण मंत्री अश्विनी वैश्वणव होरें संवाददाताएं गी आखेआ जे सरकार नै करसानें गी उंदे उत्पादें दा लाहकारी मूल्य यकीनी करने लेई खरीफ फसलें दा घट्टोघट्ट समर्थ मूल्ल बढ़ाई दिता ऐ। उनें आखेआ जे खरीफ सीजन लेई करसानें गी अनुमानित 2 लक्ख 60 ज्हार करोड रपे दा भुगतान कीता जाहगा। उनें आखेआ जे इस सीजन च 824 लक्ख मीट्रिक टन शा मती फसल दी खरीद कीती जाहगा। श्री वैश्वणव होरें दस्सेआ जे घट्टोघट्ट समर्थन मूल्ल च 622 रपे फही क्विंटल दी बढ़ोबद् बढ़ोतरी सूर्जमुखी बीएं लेई कीती गेई ऐ। एह्दे बाद 557 रपे फही क्विंटल दा बाद्दा कपास लेई ते 500 रपे फही क्विंटल दी वृद्धि तिल लेई कीती गेई ऐ।

<><><><><><>

TN-CM

मुखमंत्री जोसेफ विजय हुंदे नेतृत्व आहली नवगठित सरकार नै 144 विधायकें दा बहुमत साबित करियै विश्वास मत जिती लैता ऐ। Edappadi Palanisamy हुंदे नेतृत्व च AIADMK दे 22 विधायकें एह्दा बरोध कीतां बीजेपी विधायक ते पीएमके सने 5 विधायक तटस्थ रेया। डीएमके ते होरनें गठबंधन सहयोगी दलें प्रस्ताव च शामिल नेई होए ते विधानसभा थमां वाककाउट करी दिता। बहुमत साबित करने दा प्रस्ताव मुखमंत्री होरें विधानसभा च पेश कीता हा।



## Puducher CM Oath

वरिष्ठ राजनीतिक नेता ते अखिल भारती एन.आर कांग्रेस दे संस्थापक एन. रंगासामी होरें अज्ज रिकार्ड 5 बारी पुदुचेरी दे मुखमन्त्री दे रूपै च संगंध लैती। उन्दे कन्नै बीजेपी दे ए. नमसीस्वयम ते अखिल भारती एन.आर कांग्रेस दे मल्लाडी कृष्णन राव होरें बी एनडीए सरकार च मंत्री पद दी संगंध लैती। लोक निवास च आयोजित इक साद्दे समारोह च पुदुचेरी दे उपराज्यपाल के. कैलाशनाथन होरें मुखमन्त्री ते दौनें मंत्रियें गी पद ते राजदारी दी संगंध दोआई। एह्दे शा पहले मुख सचिव शरथ चैहान होरें मुखमन्त्री ते दौनें मंत्रियें दी नियुक्ति सरबन्धी केंद्र सरकार दी अधिसूचना पढिये सनाई। समारोह दे बाद रंगासामी होरें पुदुचेरी विधानसभा भवन स्थित मुखमन्त्री कार्यालय दा दौरा कीता ते कार्यभार साम्भेआ।



## PM-SPG

प्रधानमंत्री नरेंद्र मोदी होरें हाल च गै घरेलू दौरे दरान अपने काफिले दा आकार काफी घट्ट करी दितता ऐ जिल्ले के विशेष सुरक्षा समूह एसपीजी प्रोटोकाल दे तैहत अनिवार्य सब्बै आवश्यक सुरक्षा बवस्था बरकरार रक्खी ऐ। सूत्रें मताबक प्रधानमंत्री हुंदे काफिले च वाहनें दी संख्या च कमी गुजरात ते असम दी उंदी हालिया यात्राएं दरान लागू कीती गई ऐ। एहू गैहू पच्छिम एशिया संकट दे मद्देनजर आयातित ईंधन पर निर्भरता घट्ट करियै ते पर्यावरण दे अनुकूल विकल्पें गी अपनाईयै आर्थिक मजबूती च योगदान देने लेई प्रधानमंत्री आसेआ नागरिक थमां कीती गई 7 अपीलें दे अनुरूप ऐ।



## Rajasthan-CM

राजस्थान दे मुखमन्त्री भजनलाल शर्मा होरें बी राज्य च पेट्रोल ते डीजल दी बचत करने दी जरूरतै पर जोर भरेआ। मुखमन्त्री होरें अपने काफिले च गड्डियें दी संख्या घट्ट करने दा फैसला लैता ऐ ते मंत्रियें, जन प्रतिनिधिं ते अधिकारिणं गी गड्डियें दे उपयोग च संयम बरतने दा निर्देश दित्ता।



## CBSE

केंद्री माध्यमिक शिक्षा बोर्ड सी.बी.एस.ई नै अज्ज 12मीं जमात दे म्तेयानें दे नतीजे घोशित करी दित्ते न। विद्यार्थी अपना रिजल्ट बोर्ड दी अधिकारिक वेबसाइट, डिजीलाकर या उमंग ऐप पर अपना रोल नंबर पाइयै दिक्खी सकदे न। ऐकती बी कुडिणं दी कारकरदगी जागतें दे मकाबले बेहतर रेही। बच्चें दी कुल पास प्रतिशत 85 इशारिया 2-0 रेही जिसलै कि छडी कुडिणं दा पासप्रतिशत 88 इशारिया 8-6 रेहा। 17 फरवरी कोला लेइयै 10 अप्रैल धोड़ी होए दे इनें म्तेयानें च कोई 15 लक्ख कोला मते बच्चें पेपर दित्ते हे।



## PM-Letter

प्रधानमंत्री नरेंद्र मोदी होरें केंद्री रेल राज्यमंत्री रवनीत सिंह बिट्टू आसेआ लिखित इक्क लेख सांझा कीता जिस च दस्सेआ गेआ ऐ जे पंजाब च आधुनिक रेलवे स्टेशन ते बेहतर नेटवर्क प्रगति दे नमें भित्त

खोला'रदी ऐ। सोशल मीडिया पर इक इक्क पोस्ट च प्रधानमंत्री होरें आखेआ जे एह परिवर्तन क्षेत्र दे लोकें लेई मते मौके लेइयै आई दी ऐ।

<><><><><><>

### BRICS-Meeting FMs

ईरान, कजाकिस्तान, नाइजीरिया ते उज्बेकिस्तान दे वरिष्ठ अधिकारी कल थमां शुरू होने आहली दो दिवसीय ब्रिक्स विदेश मंत्रियों दी बैठक च शामिल होने लेई नमीं दिल्ली पुज्जी चुके दे ना। इंदे च ईरान दे कनूनी ते अंतरराष्ट्री मामलें दे उपविदेश मंत्री डा. काजेम गरीबावादी उज्बेकिस्तान दे प्रथम उपविदेश मंत्री येरजान आशिक वायेव, नाइजीरिया दे विदेश मंत्रालय दे स्थाई सचिव राजदूत दुनोमा उम अहमद ते उजबेथ दे उप विदेश मंत्री अलोयेव बखरम जोन जोराबो येबिच शामिल ऐ।

<><><><><><>

### BRICS-Meeting

दो दिवसीय ब्रिक्स विदेश मंत्रियों दी बैठक कल थमां नमीं दिल्ली च शुरू होगं विदेश मंत्री डा. एस जयशंकर होरें अज्ज बड्डुलै चिली दे विदेश मंत्री Francisco Perez Mackenna हुंदे नै मुलाकात कीती। उनें सोशल मीडिया पोस्ट च दस्सेआ जे दौनें पखें बजारें ते स्रोतें च विविधता आहनने, प्राथमिकता आहली चीजें दे निर्यात गी बढावा देने ते सेवा अर्थ बवस्था गी सुगम बनाने लेई दपक्खी सहयोग गी मजबूत करने पर चर्चा कीती।

<><><><><><>

### Gold Silver Price

अज्ज सुन्ने ते चांदी दी कीमतें च 6 फीसदी धोड़ी दा भारी बाद्दा दिक्खेआ गेआ। मल्टी कम्प्युडिटी एक्सचेंज दे वायदा बजार च जून अनुबंध तैहत सुन्ना कोई 6 फीसद बढ़ियै 1 लक्ख 62 ज्हार 597 रपे फही 10 ग्राम पर कारोबार करा'रदा ऐ। जिसले जे जुलाई अनुबंध तैहत चांदी कोई 6.4 फीसद बढ़ियै 2 लक्ख 96 ज्हार 821 रपे फही किलोग्राम पर कारोबार करा'रदा हा। हालांकि दिन दे दरान सुन्ने ते चांदी दी कीमतें च 8 फीसद धोड़ी दी वृद्धि दर्ज कीती गेई। सरकार नै सुन्ने ते चांदी पर आयात शुल्क (उपकर सहित) 6 फीसद थमां बढ़ाइयै 15 फीसद करी दित्ता ऐ।

<><><><><><>

### AIR-India Flights

Air India नै अंतरराष्ट्री डोआरिणं च कटौती करने दा फैसला लैता ऐ ते किश विदेशी मार्गें पर सेवा अस्थाई रूपै नै निलंबित करी दित्ती ऐ। एह फैसला ब्हाई क्षेत्र पर लग्गे दे प्रतिबंधें ते जेट ईंधन दी बढ़दी कीमतें दे मद्देनजर लैता गेआ ऐ। एयर इंडिया नै आखेआ जे इस बरे जून थमां अगस्त धोड़ी अंतरराष्ट्री सेवाएं दा युक्तिकरण कीता जाह्ग। एयर इंडिया दिल्ली-शिआको, मुम्बई-न्यूयार्क, दिल्ली-शंघई, चेन्नई-सिंगापुर ते दो होरनें मार्गें पर सेवा अस्थाई रूपै नै निलंबित करोग।

<><><><><><>

## Jitendra Singh Pension Adalat

कार्मिक, लोक शिकायत ते पेंशन राज्यमंत्री डा. जितेंद्र सिंह होरें अज्ज नमीं दिल्ली च 16मी पेंशन अदालत दा शुभारम्भ कीता। देश भर दे पेंशन भागी एह्दे च हाइब्रिड मोड राएं शामिल होए। इनें अदालतें दा मकसद पेंशन सरबंधी शिकायतें दे निवारण लेई मौके पर गै फैसलाकुन हल प्रदान करना ऐ जेदे कन्नै पेंशनभोगियें गी अदालतें दा सहारा लैने दी आवश्यकता नेई पवै, उंदा समें ते धन दौनें दी बचत होऐ ते उंदे इक्क प्रभावी शिकायत निवारण तंत्र प्राप्त होऐ।

<><><><><><>

## Prateek yadav Death

मुलायम सिंह यादव हुंदे सब्भनें शा लौहके पुत्तर ते समाजवादी पार्टी प्रमुख अखिलेश यादव हुंदे मतरेह भ्राहू प्रतीक यादव दी मौत होई गई ऐ। ओहू 38 बरें दे हे। तबीयत चानचक्क खराब होइ, जाने पर उनेंगी लखनउ दे सिविल अस्पताल पुजाया गेआ जित्थे डाक्टरें उनेंगी मोए दा आंदे दा घोशित करी दित्ता। उंदी घरै आहली अर्पणा बिष्ट यादव बीजेपी दी मिम्बर न ते एल्लै उत्तर प्रदेश महिला आयोग दियां उपाध्यक्ष ना। उत्तर प्रदेश दे मुख्मंत्री योगी आदित्यनाथ होरें उंदी मौत पर गैहरा दुख प्रगट करदे होई सौगी परिवार कन्नै हमदर्दी प्रगट कीती ऐ।

<><><><><><>

## CBI Neet

NEET UG म्तेयान दे पेपर लीक मामले दी जांच लेई सीबीआई दी टीम अजज राजस्थान दे शैहर जयपुर पुज्जी जित्थै उन्नै राजस्थानपुलस दे विशेष कार्रवाई बल एसओजी आसेआ हिरासतै च लैते गेदे केई लोकें कोला पुच्छ-गिच्छ कीती। जांच तैहत एसओजी नै सीकर ते एह्दे आले-दोआले दे इलाकें च लोकें कोला बी पुच्छ-गिच्छ कीती। जियां कि पैहले बी खबर दित्ती जाई चुकी दी ऐ कि इस म्हीने दी 3 तरीक गी आयोजित नीट (यूजी) 2026 म्तेहान, पेपर लीक दे आरोपें मझाटै कल रद्द करी दित्ती गई ही। सरकार ने सी.बी.आई गी अनियमितताएं दी व्यापक जांच दे निर्देश दित्ते ना। नीट-यूजी 2026 दे इक मेदवार दे अभिभावक ने लातूर एस.पी दफ्तरै च शकैत दर्ज करोआई ऐ, ते आरोप लाया गेआ ऐ जे इक निजी कोचिंग संस्थान ने म्तेहान शा पैहले इक माॅक टेस्ट आयोजित कीता हा, जेह्दे च कथित तौर पर 42 सोआल नीट दे म्तेहान च पुच्छे गेदे सोआलें कन्नै मेल खंदे हे। एह्दे शा पैहले, राजस्थान पुलस दे एसओजी ने संदिग्ध नेटवर्क ते पैसे दे लैन-देन दी जांच दे दरान 15 लोकें गी हिरासत च लैता हा। एस.ओ.जी ने कल जयपुर थमां कथित मास्टरमाइंड मनीष गी गिरफ्तार कीता। इस्सै म्हीने दी 7 तरीक गी सीकर दे करियर काउंसलर राकेश कुमार सने 5एं लोकें गी देहरादून थमां गिरफ्तार कीता गेआ हा ते अगले दिन नीट दे 4 मेदवारें गी गिरफ्तार कीता गेआ।

<><><><><><>

## Weather Monsoon

भारत च इस ब'रे दक्खन-पच्छमी मानसून दी आमद इस हफ्ते गै होई सकदी ऐ। मौसम विभाग ने दस्सेआ ऐ जे दक्खन-पच्छमी मानसून दी आमद लेई हालात मुआफक बना करदे ना। इस हफ्ते दे अखीरै धोड़ी दक्खनी बंगाल दी खाड़ी, अंडमान सागर ते अंडमान ते निकोबार टापुएं दे किश हिस्सें

च मानसून आई सकदा ऐ। मौसम विभाग ने दस्सेआ ऐ जे दक्खन-पच्छम बंगाल दी खाड़ी दे उप्पर बने दा घट्ट दबाऽ आह्ला खेत्तर कल बी इससै इलाके च हा। मौसम विभाग ने आखेआ ऐ जे अगले 24एं घैंटे च एह्दे होर असरदार होने दी मेद ऐ। मौसम विभाग मूजब, दक्खन-पच्छमी मानसून आमतौर पर हर ब'रे 1 जून दे कोल-कश केरल च शुरू होंदा ऐ।

<><><><><><>

## IPL

आई.पी.एल क्रिकेट च, गुजरात टाइटन्स ने कल रातीं अहमदाबाद च सनराइजर्स हैदराबाद गी 82एं रन्जें कन्नै हराइयै अंक तालिका च अब्बल थाहर हासल करी लैती ऐ। गुजरात टाइटन्स दा प्रदर्शन शानदार रेहा। सनराइजर्स हैदराबाद 1 सौ 69एं रन्जें दे लक्ष्य दा पिच्छा करदे होई 14 ओवरें ते 5एं गेंदें च 86 रन्जें पर ऑल आउट होई गई। गुजरात टाइटन्स दी तरफा कगिसो रबाडा ते जेसन होल्डर ने 3-3 विकेट लैते, प्रसिद्ध कृष्णा ने 2 विकेटां लैतियां जिसलै के मोहम्मद सिराज ते राशिद खान ने 1-1 विकेट अपने नां कीती। तोआई अज्ज रॉयल चौलेंजर्स बेंगलुरु दा मुकाबला कोलकाता नाइट राइडर्स कन्ने होगा। मैच रायपुर च हुनै कोला किश चिर मगरा ठीक साड्डे 7 बजे शुरू होगा।

<><><><><><>